



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnium Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Adjuratio.

urn:nbn:de:hbz:466:1-41152

sam justiorem, sed solum sine fraude afferre ea, quæ faciunt pro sua causa, ut veritas eluceat; at hoc munus locum habet in omnibus causa dubia.

Quæres: Qui in jure repellantur ab officio advocati. Resp. Quosdam repellit ob culpam, ut infideles, excommunicatos, hæreticos, infames; quosdam ob impotentiam, ut mutos, cœcos, surdos, pueros. quosdam denique ob indecentiam, ut clericos & religiosos in negotiis sacerdotalibus coram judice sacerdotali, nisi aliud postularet necessitas, in qua etiam clerici pro suis Ecclesiis, & religiosi pro causis sui monasterii, advocati esse possunt.

Quæres: An Advocato liceat accipere pecuniam pro patrocinio. Resp. I. licere. Ratio. Quia, quæ hominis propria sunt, neque alteri ex justitia debentur, possunt aestimari pretio, & vendi, ergo. 2. Si advocatus aliquid per improbitatem ultra modum extorqueat à suo cliente, posse peccare mortaliter, & teneri ad restitutionem. In officiis quæ pretio aestimantur, excessus pretii facit in justitiam. 3. Certum est advocationum non posse pacisci cum suo cliente, de quota litis, i.e. dimidia tertia, quarta parte, id enim legibus vetitum est. l. litem. C. de procur. 4. Advocatum ordinariè non posse plus accipere pretii, quam lege taxatum est, si modo illa sit recepta, & contraria consuetudine non abrogata; si autem nulla lege taxatum sit pretium, non licebit adhuc advocato accipere, quantum lubet, sed quantum bonus & sapiens vir judicaverit, habita ratione gravitatis causæ, laborum, dignitatis, personæ, consuetudinis.

Quæres: Quando procuratores peccant contra præceptum octavum? Resp. Posse multipliciter peccare. 1. Si defendunt injustam causam, vel falsam, vel incertam pro defensione clientis obtrudant. 2. Si ex ejus ignorantia, vel negligentia in tractanda causa, cliens causa cadat. 3. Si officio suo in defendendo, probando, respondendo, appellando, cum opis est, non facit satis. 4. Si cum prævidet causam suam mutare, urget clientem, ut fortiter neget, vel affirmet, etiam juridicè rogatus, quod negare, vel affirmare sine mendacio non potest. 5. Si litem suscepitam sine causa justa prosequi negligat. 6. Si plus mercedis à cliente, quam par est, extorqueat, aut post victoriam causæ auctarium aliquod laboris postulet. Quod tamen postulari posse putat Navar, si moderatum sit.

Acedia.

Vide v. *Charitas.*

Adiuratio.

I. Adiuratio est contestatio rei sacræ, cuius reverentia inter-

tendimus alterum promovere ad aliquid præstandum. Duplex est, nempe deprecativa, quæ fit deprecando; & imperativa, quæ fit præcipiendo. Dæmon non adjuratur adjuratione deprecativa, sed solum Deus, sancti & homines. Sola rationalis creatura congruerter adjurari potest, videturque peccatum mortale ex suo genere directo, adjurare creaturas; quamquam ratione bona fidei, vel levitatis materiæ, ut plurimum est tantummodo veniale. *tom. 2. circa 2. Decal. præcept. disp. 4. q. 1. punct. ult. n. 1. & seq.*

2. Non licet adjurare dæmones, ut opem ferant ad fugandas grandines, & similia: quia non licet beneficium à dæmone expectare. Facultas adjurandi & expellendi dæmones pertinet ad solos Clericos ordine exorcistatus insignitos, quoties adjuratio fit secundum ritum exorcismorum, & juxta formam præscriptam ab Ecclesia. A dæmone humanum corpus obsidente licitum est tantum ea petere, quæ spectant ad aliorum utilitatem, vel ad ipsum expellendum. *Ibid. num. 5. & seq.*

3. Qui ex levitate aut curiositate aliquid imperativè à dæmone petit, non verò deprecativè, non peccat mortaliter; modo longi sermones, præsertim vani non adhibeantur; vel modo hoc non fiat causa aliquid addiscendi à dæmone; vel modo non sit periculum detegendi alicujus occultum peccatum; vel modo certa fides illinon præstetur. Sacerdos non potest dæmoni præcipere sub pœna excommunicationis ut exeat, neque terminos judiciarios præscribere ad exeundum, quia dæmon non est capax excommunicationis. *Ibid. num. 9. & seq.*

4. Adiuratio differt à juramento, quod in juramento adducitur Deus in testem; in adjuratione verò adducitur Deus seu res sacra, ut e jus amore vel timore res petita obtineatur. *Ibid. num. 11.*

5. In adjuratione peccatum committitur, quoties sine debita reverentia & necessitate adjuratur Deus aut sancti, aut adjuratur ad rem aliquam illicitam; aut quando falsus Deus adjuratur, ut Jupiter, Bacchus, &c. aut quando adjuratio fit sine voluntate obtinendi quod petitur per Dei nomen. *Ibid. n. 12.*

6. Adjurans dæmonem non peccat adhibendo ritum, flagella, &c. in contemptum dæmonis; scetus si adhibeat quasi vim naturalem habeant ad fugandos dæmones. Item adjurans connivendo pactioni dæmonis, seu ei aliquid permittendo è corpore egressuro, peccat, si dæmoni rem malam concedat. Potest tamen à dæmone egressu o è corpore petere aliquod signum, quod indicet se è corpore egredi, & non redditurum; quia licet pertinet ea quæ conducunt ad fugandum dæmonem. *Ibid. n. 13. & seq.*

7. Uno

7. Uno dæmone (saltem superiore) expulso, ut plurimum omnes exirent: & sicut per quamlibet corporis partem potest dæmon ingredi, ita & egredi; cùm sit spiritus & quantitate careat. *Ibid. n. 16.*

8. Dæmon non ita corpus obsidet ut semper vexet, vel semper in corpore resideat: sed dicitur obsidere, quia tempore ferè imperceptibili adest ad illud vexandum, & suam potestatem exercendum cruciando & affligendo. *ib. n. 8. & seq.*

Adorare. Adoratio.

Vide v. *Decalogus.*

Adulterium.

Vide v. *Decalogus.*

1. Adulterium est accessus ad alienum thorū, seu illius violatio. Ad adulterium requiritur, ut saltem unus eorum qui adulterium committit, sit conjugatus: erit autem adulterium multò gravius peccatum, si uterque sit conjugatus; duobus enim sit injuria, & duplex thorū violatur: vel quando femina conjugata cōgreditur cum duobus viris solutis, quām si vir conjugatus copulam habeat cum duabus feminis solutis. *tom. I. de iis, quæ pertinent ad usum matrim. q. 4. punct. 15. n. 1. & seq.*

2. Pœnæ adulterii sunt, ut uxor adultera amittat dotem, arrhas, & munera propter nuptias: deinde ut possit fieri divortium ab adultero. *ibid. num. 6.*

3. Adulter, qui filium ex adulterio suscepit indubitanter credit esse suum, tenetur in solidum cum matre ad restitutionem damnorum, quæ patitur verus maritus & filii legitimi, vel hæredes; propterea adulter tenetur ad restitutionem alimentorum prolis spuriæ, saltem post tertium nativitatis annum: si tamen probabiliter credat prolem non esse suam, non tenetur ad restitutionem. *ibid. n. 8. & 9.*

4. Quando duo carnaliter cognoverunt aliquam solutam ex qua suscepta est proles, sed dubitatur cuiusnam sit proles suscepta, uterque tenetur alere pro sua parte, & altero nolente, tenetur alter in integrum. Præterea adulter tenetur ad restitutionem alimentorum, quæ facta fuerunt ab hospitali

B

do-